

御選明詩卷第四十七目錄

七言古詩十二

黃德水一首

王穉登三首

王逢年一首

李維禎一首

黃鳳翔三首

王家屏二首

沈一貫三首

于慎行一首

范謙一首

顧大典一首

劉虞夔一首

馮時可一首

李應徵一首

姚舜牧二首

游朴一首

陶允宜二首

馮琦二首

鄒元標一首

馮大受二首

龍膺一首

屠隆一首

余寅一首

楊于庭二首

張萱一首

方應選一首

湯顯祖四首

袁宏道四首

袁中道一首

劉黃裳一首

王嘉謨二首

沈瓚二首

焦竑一首

陶望齡五首

陸彥章一首

黃輝二首

吳正志三首

李日華一首

謝肇淛一首

鄧原岳一首

陳薦夫三首

王維儉一首

曹學佺二首

陳邦瞻二首

袁世振一首

范鳳翼一首

阮自華二首

尹伸一首

王衡二首

公鴈一首

劉宗周一首

孫光裕一首

御選明詩卷第四十七

七言古詩十二

黃德水

賣花篇

日南氣候天下奇，四序皆如三月時。
豳風漫賦爲裘什，越俗空傳采葛詩。
泉甘土沃山川美，長日花開爛於綺。
不論秋去有蘭蓀，寧獨春來盛桃李。
初景曛曛萬戶開，熨童絡繹賣花來。
一筐新蕊朝纔摘，數種奇葩歲自栽。
曲房小閣開妝篋，紫貝青蛱走輕屨。
若箇簾前非墮英，誰家門外無殘葉。
參珠間玉鬪光輝，踏青拾翠弄芳菲。
花房賸有瑤臺露，滴盡儂家金縷衣。

王穉登

觀潮

丙辰閏七月初吉孟瀆江邊潮水赤寒波帶雨打空城
高浪如山排巨石山田旱燠不可救山人荷鋤惟種荳
游魚忽入荳花中江裏龜鼉近人吼隔岸不聞雞犬聲
前邨盡說蛟龍鬪白頭田父向人語不見江潮大如許
門前堤上種柳樹潮痕深淺能記取去年堤石未沉沙
今日柳枝齊拂水蒼煙黑霧黯不收吁嗟身世如浮漚
牀頭水鳴得赤鯉檻上雲生飛白鷗臥植人力不可運
眼中倏忽隨波流漁舟葉葉爭鼎沸踏浪高歌似平地
北客初聞忽膽驚南人坐對猶兒戲我聞錢塘之潮天

下無素車白馬相喧呼
鐵箭如沙射江滸
錢王當日真雄圖
書生白首老牖下
咫尺不辨越與吳
嗚呼咫尺不辨越與吳
酒酣耳熱歌烏烏
不能三江即五湖
轍中之鮒胡爲乎

還家作

游子江東倦行役
還家登堂草盈尺
花枝三樹四樹紅
頭髮一絲半絲白
囊中猶自有殘錢
盡買楊梅飽食眠
門外幸無騎馬客
清香細雨佛燈前

碧雲寺月出贈朱十六短歌

燕山一片月
夜照白蓮花
千里萬里同爲客
三人五人齊憶家
與君俱是悠悠者
意氣相逢不相下
平原俠士

能鬪雞邯鄲才人堪換馬明星落木亂紛紛同向山中
卧白雲秋風乍起黃花塞明月初生青草墳齊門彈瑟
相知少漢庭執戟郎官小漸離筑傍流水立干將劍上
青虹繞才子風流多落魄青樓狹邪善諧謔趙玉刻就
篴簫柱蜀繒裂作鞦韆索禪燈繡佛夜厭厭半醉能歌
阿鵲鹽朱公大笑黃金盡三十青衫一孝廉

王逢年

送盛仲交還秣陵

盛生東出關白下桃花滿相逢南陽田目寄孤雲遠君
歸江國正鳴鳩草綠空磯燕子愁與爾期登雨花閣六
朝何處楚江流

李維楨

沈啓南畫松贈關中李尚書今歸李司徒歌紀之

啓南畫松百年矣黛色霜皮煙霧起所贈尚書無姓名
但道其人關中耳關中今者李尚書古人與稽今人居
畫手通神神呵護宛在李公讀書處人間世有前後身
後身往往前身因事皆天定良非偶物由人重名不朽
司徒磊砢任棟梁此物居然丁固夢李下有仙松有公
千秋氣韻同生動

黃鳳翔

西湖遇雨

投鞭辭却垂楊路
簫鼓樓船天將暮
緩棹疎簾傍芰荷
清觴豔曲馴鷗鷺
水底馮夷喜欲迎
津頭宓妃遙相顧
澹蕩初颺少女風
蒼茫忽擁藥巴霧
四野溟騰急雨來
中流欸乃奔濤怒
渺渺長湖鷁退飛
紛紛小艇人爭渡
自笑生平樂事稀
懽娛此日亦堪妒
何須秉燭窮夜遊
停橈且向空江住

平望舟中

擣鼓喧闐催曉發
蒼茫一水分吳越
雲帆搖曳競呼風
綺幕高攀猶見月
江干漁父正高眠
垂柳如絲繫釣船
昨夜得魚兼換酒
舉杯一醉問青天
錦衣鼎食非吾事
明月清風若箇邊

涪江秋泛

秋江雨過氣蕭爽買棹夷猶成獨往鷗鷺高眠芳草洲
鰕鱸紛入漁人網一聲斷鴈涼颼來十里平疇皎月上
瀛海潮生騰碧濤陰崖木落振清響亂流駕浪時張帆
避石穿橋力蕩槳浮白懽呼拚醉歸櫂歌互答愜心賞
請君莫羨三島游老我今爲五湖長

王家屏

恭題文皇帝四駿圖

錄二首

赤兔

白溝河大戰胸著一箭
都指揮亞失帖木拔箭

雷鎗鎗北軍來赤兔走黃雲開攬身超夾澗策足絕浮
埃白溝原頭振輦鼓貫陳穿營猛如虎穆王八駿詎爲

御選明詩 卷五
奇昭陵六馬應難數百戰間關未解鞍
箭瘢還向畫圖看只今四海昇平日誰識當年締造難

黃馬

靈璧縣大戰後右曲池
著一箭指揮雞兒拔箭

軒后興應龍翔駕天駟乘飛黃迴頭看紫燕顧影失超
光君王神武古來少萬里煙塵一劒掃馬蹄蹴處山爲
摧何論陳暉與平保揚鞭渡淮淮水清金陵父老壺漿
迎從此華陽休駿足山河重整泰階平

沈一貫

寄贈俞士行淮上治漕

葡萄邸前春雨多典客館下牽六騾將軍抱持貔虎略
且與黿鼉爭水波江河之決雖天事支祈安得稱非崇

飲飛劍出江水渾浪拍芙蓉茜花細西來一線垂青天
天下車輪集似煙朝廷盡食司空力大農歲省鐘官錢
淮陰方知治粟尉高壇何日飛旌旃

送客還山

新荷夜捲梨花雨青山倒浸琵琶渚新裁荷服雅稱身
著入池中不知所牀頭黃石讀已盡尚餘一卷金仙語
施之人間無所用挾向松林避煩暑林中月出遲漁郎
嶺上茶生期姍女鄉音啞啞可憐生賤却清官激梁楚
君房樓玄館

荼蘼曉泛東風騫青蘿夜入棠梨軒鷄咽咽相喚去
印破西池碧玉痕樓玄主人貪晏起片雲忽墮江城午

御選明言 卷四十一
吾知桃花終不言何用欣欣解人語

于慎行

雪後登樓看山

昨朝飛雪滿大荒登樓四顧天茫茫今朝登樓禁不得
吾與青山頭並白筠牀呼酒晶宇開瑤華積作中天臺
對山遙勸一杯酒平生與君爲素友君今頭白青有時
奈何吾鬢終成絲

范謙

壺公山

我聞壺公仙山天下奇俯窺碧波琉璃東西日月兩
明鏡挂在扶桑若木之高枝壺中仙翁握真寶手搏日

月自顛倒杖頭更覺天地寬萬壑千巖恣幽討

顧大典

苕溪春日

苕溪春深春欲歸柳絲拂地梨花飛客子辭家已三月
春風初換越羅衣羅衣競試春江曲花外鶯聲斷還續
春心羈思兩相催愁見天涯春草綠春草年年伴客程
扁舟明日又孤征故園回首春雲隔江上春風空復情

劉虞夔

苦熱

燕山虛傳千丈雪昔乃苦寒今苦熱苦寒尚可禦苦熱
安所逃寒有重裘奧室足自庇熱雖袒裼心煩勞炎風